

淮海英靈集

淮海英靈集目錄

鄉人阮元輯錄

戊集卷一

王彬 李震 李必豫 李必恒 李基簡

李貢 凌孫有 張贊元 張澎 張祖華

顧瀛 王玫 湯廷頌 喬邁 喬崇讓

丁敦 仲以懿 許容 朱四輔 鄭在湄

韓魏 汪宏 余峯 沈復曾 石涉

盧廷簡 王貴一 邵潛 孫謙 于王庭

劉之湛 戴興 黃鸞祥 陳厚耀

戊集卷二

陳鉦 陶蔚 常典 常藻 常履寬

沙永福 陳廷相 歐陽履宜 朱青選 王新猷

史進義 喬寅 賈寬生 丁腹松 薛彬

王崇謙 王國鑾 李澄 郭嗣齡 團昇

黃寧 李樵 李楷 錢密 姚士超

端木守謙 湯希儀 程銓 孫蘭 張家熹

張宏才 張屏箴 楊若霖 程增 陳夢雲

沈鐸 王曙 王永祺 項夢昶 方汝謙

史德超 張朝樂

戊集卷三

繆樓 陸震 喬渠 周邦堅 管鎰

管緒 管一潮 管一澄 朱賽 朱輅

方嶠 詹履政 蔣宣書 余漢 潘遇莘

潘遇龍 潘夢舉 潘夢龍 潘恕 姜會照

范捷顧雲三主濤王汴顧人驥

張鎧高翔李德音焦士緯焦士紀

鍾信李筠賈成祖賈田祖團維墀

王彥林員燉張芳李惇吳鐸

吳釗吳銷吳鑲吳晉汾李義周

唐虛仇棟羅應箕陳佩霞葉英

戊集卷四

元輯錄

北湖阮氏詩

烏程陳焯填諱

阮諱世衡阮諱玉堂阮諱琴堂阮諱金堂

阮諱承裕阮諱承德

歙江氏詩

甘泉林懋曾填諱

江諱承玠江諱洪江諱暹江諱春

江諱昉

江諱振箕

江淳

江廷泰

江嗣堦

江文

西山林氏詩

江都耿弓填諱

林諱文璉

林諱廷和

林諱開

林諱闡

林諱閏

林開

淮海英靈集

鄉人阮元輯錄

王

彬字子野寶應人順治丙戌舉人官德興縣知縣

過喬侍讀縱棹園

先生別業畫川東
橘刺藤梢取次通
喜有篙添春水綠
頓教人羨酒船紅
沿堤鶯語調歌舌
隔岸鷗羣狎釣筒
我亦湖山蓑笠客
吟詩肯許一舟同

李

震

字蒼雷號箕竹高郵諸生性疏豁喜結納攻古文詞著有芝園初續集樗巢集駢體文集扶餘詞集

若干卷

詠雪用歐陽公聚星堂體次恒兒韻

律轉陽尚遭雪降陰仍聳屏翳相固結飛廉爲慙惠輕颺初
霏霏急洒漸洶洶溼山深谷夷填海層冰涌散漫本無心縈
迴如旋踵繚亂窗撲蟲鋪排箔棲蛹凌空屋角欹委地牆根

擁千門積若封萬瓦平如隴巧投罅隙盈密塞川途壅飢獸
埋爪牙窮鳥落毛毳高卑渾一轍方圓肖萬種六出鬪梅坡
三白兆麥壟占祥云年豐謹微絕陰寵皎潔比心清栗烈增
骨竦曹風色擬麻郢曲聲遶棋山覆一簣成獅蹲百獸恐撒
鹽逞佳思烹茶滌煩冗照耀物類瑩輪封林木腫金井任堆
麪天山難刻珙紅飲酒力減白戰詩才勇閉戶高士臥掃徑
豪客詢或有絮披肩或有履穿踊或有紫貂溫或有金樽捧
景象豈殊遭苦樂隨所奉獨嗟老眼眩更覺雙耳聳婦病縮
同蝟孫餒啼學蜚微吟余後殿險韻兒前俯飢寒世事輕倡
和天倫重拂素濤箋光呵凍墨池溶五字賡競病一斗傾酪
漣狂歌詩復成醉掃筆多聿二子若游揚侍立程門拱

李必豫

字中州高郵人震長子國
學生工詩與弟必恒齊名

敬和家大人上元集讌韻

寒家樂事一番新列坐咸依長幼倫到眼忽驚逢令節團頭

今喜作歸人月輪爭比燈光燦酒盞潛回藥梔春時兩堂自初痊

是吾家饒韻事也將魚目混珠珍

李必恒

字北嶽一字百藥高郵陳生品端學富於詩古文詞無不工益肆力於詩其論詩曰作詩必論境地

苟詣其境矣勿以唐宋為優劣也唐詩涵蘊深遠比興居多宋詩據事直言敷陳大半要皆合乎三百篇之旨著有三十六湖草堂詩集卒祀鄉賢祠沈歸愚宗伯云商邱宋中丞選江左十五子集後皆名位通顯而李丈獨以諸生終且耳聾多病年止中壽何其厄也然詩格之高才力之大可久者應讓此人事久論定所得果孰多耶

淮之水九章

美治河有成也康熙三十九年帝命兵部尚書四川張鵬翻來視河事越

二載危堤屹若洪波不驚流移歸畝迄可小休先是皇帝憤治河諸臣虛糜帑藏不稱任使至是

勤三駕討源流首命築高堰以障淮復命濬清口以刷黃注海要領既得成命是釐而張公果能

左規右矩不失寸尺且以清慎勤敏之才蒞衆帥屬
百司凜凜喻乎其志各厲乃職用底大勳微張公無
以副上意旨而非皇上知人善用烏
能克成厥功禔福兆姓使無波臣之患乎臣生長澤
國繼自今幸得佚居飽食泳游
見廟堂之上一心一德明良交謏臻茲顯績
實維我國家永永無疆之休得不斐然導揚斯美
雖草野微賤其詞不足侔雅頌垂史冊竊比康衢之
擊壤俾讀者想見唐虞三代之盛時云

淮之水其流湯湯有溲斯沛以儆我

皇黃之水其流湔湔有湍斯激疚我南國

帝省南土是究是圖矜此憚人孰訛爾居

帝曰翮來欽哉女治訥于有衆則惟女宜

張公受命翼翼其行公豈異人百慮一誠于河之濶于淮之

浹于邑于野亦旣勤止

有截者堰

皇曰瑾之有澱者淤

皇曰濬之匪棘匪紆

皇有成命孰是不龔而怠庶正

乃裒其旅有噴斯潛築之坻坻積之磳磳如石之鞏如墉之
臬彼驕河伯則莫我敢齧

相彼清口惟黃是滌孰阻閼之翳砂礫之積其辟其汰其剔
其挾如彼建瓴呀豁以達

淮之壯矣式廣以舒黃之迅矣四溢以趨匪黃之趨實淮之
驅旣導旣入言歸其墟

維昔之邑魚所都維今之澤民厥居維昔之產蒲與葭維今
之植麥與禾匪維禾麥亦有稂黍旣立室家亦有酒與脯
帝曰翮來女庸朕多淑旂綏章錫命有加翮拜稽首祇不敢

受

天子之功

天子之壽

二婦詞

大婦工珮璫小婦勤酒漿酒漿豈不美未若珮璫長
大婦進珮璫雜珮聲鏘鏘小婦進酒漿酸醎不可嘗

元墓探梅次韻

人語雜花氣衣巾沾妙香連柯高士墓禿幹贊公房
喝盞浮清碧吟箋擘研光庾樓清興發傾耳聽洋洋

阻淺毘陵城下三日撥悶成詩兼懷邵丈子湘

長河水落高兩崖千艘阻淺撥不開駢頭銜尾連日夕帆檣
卓立同麻蕭運租船高截流佳意欲買水見歸太僕文集姑徘徊長

年橫篙色閒暇忽復筦爾遭其吟歸舟何意宿留此誰爲盡
力挽且推有時乘隙爭道進不覺櫓折篙楫摧水窗徒倚聊
縱目嫣然薄怒喧吳娃吁嗟我生薄祿相進咫尺理則該
險巇世路令齟齬此天意耳寧人排官艙幸饒仁祖米勤買
鵜鴒供燔煨惠山清醪不難致如斯小住亦復佳所憾辭家
值秋杪國火倏已更檀槐夾岸人家競祀竈請鄰釀飲空坊
街倚閭嗟予季行役布衾未贖吁可哀長房縮地乏奇術尻
與臂馬徒談諧昏鴉啞啞掠而過矯翼一似驕吾儕亟思舍
此更遵陸歷碌書簾裝連轡去魯出晝匪我比桑下三宿奚
爲哉常州太守解人意羽箭傳令火迫催更聞官舫打路過
萬夫助叫爭喧脰身輕陡覺舟蕩漾眼明喜見波潏洄開頭
捩舵解篋纜高歌一聲歸去來布帆得風更張王去豈亦有

意酬邐迥來朝便買京口酒翦江雪浪衝驚雷轉憶蓉湖未
歸客陳編坐擁如枯柴

松嵐先生見示黃山畫冊走筆爲作長歌

新安二吳我好友

綺園東巖

異日贈我新安山水之新圖新安山

水大好在刻畫毛髮工臨摹惜哉妙手刊梨棗未免依樣譏
葫蘆打門誰送畫一束展卷流覽朝至晡不覺栩栩兩腋生
羽翼以臂爲馬尻爲輿湯泉藥谷一徑入慈光擲鉢紛僧廬
參天石筍草劒立白龍蜿蜒跳明珠谷二十四洞十二三十
六峯層巒疊嶂相縈紆其中至尊而大高可九百仞曰是維
古三天子之都忽然長嘯膽滿軀騰身直上凌空虛舉頭叫
軒后何處遺丹爐珠函玉壺那可得曷不乘龍而下垂其胡
左挹浮邱袂右攬容成袪大鴻常先在何許彷彿衣冠劒珮

鵠立鏘瓊瑤我聞西華山十丈青蓮華叶不知幾時天風吹

墮此幻成百千萬億朶朶金芙蓉獅兒昂其首青鸞尾畢逋

自餘翠微紫雲合各各爭獻狀若供而伏奔而趨獅子青鸞翠微紫雲

皆峯名有時化兒大謠詭陡作萬頃兜羅鋪山耶雲耶望而不

見但見白鵞出沒羊頭巖渾茫元氣粘一片其中蹲者峙者

矯者立者若隱若見或如蛟如鰐如龜鳬須臾波心忽動盪

跳出羲和三足鳥乾坤軒豁萬象露滿山碧綠青黃朱一時

一境境一邑令我目不及瞋氣不及舒徒然仰面張口絕叫

而睢盱瞞瞞十八公鐵石爲肌膚是何意態雄且異爲龍倒

挂爲團蒲金膏水碧色敷腴奇花異草無處無入耳猿鶴聞

號呼爲我寄聲謝兩吳行纏底用縛柳櫪不必扶向禽婚嫁

幾時畢昌黎痛哭胡爲乎臥遊如此歌可夫世閒萬事徒區

區試展松嵐百二十幅黃山畫定勝汾陽二十四考書中畫

結用
坡語

會昌九老圖歌和漫堂先生

香山居士真老仙洛中結社誇九賢盛事圖繪足不朽至今
妙本爭流傳太清樓中舊曾貯雲散宣和倏南渡良齋題識
鈐紹興御墨淋漓元氣注吳興得之歎希有棠村寶此亦未
久物之鑒賞在真識妙跡天遣落公手我昔借觀六月中刻
畫入細驚神工是日微雨破池面湘簾憂觸生清風君不見
元稹作相五月耳朝籍紛紛黨牛李中山劉禹錫屢黜元老裴度
危虞卿遭枉楊申錫死宋又不見太和年間甘露變北寺南
衙劇征戰百僚駢首就誅戮碧血橫漂紫宸殿幾人得見會
昌春即香山句蛟螭紛紛一聚塵物外逍遙獨此老搖毫把盞陶

天真履道歸來已七十尚此開樽樂泉石好事縑素寫風流
千載摩挲認冠舄方今

聖治流雍熙我公矍鑠天人姿韋平贊皇有故事底須漸退

求分司

白詩爾被妻孥致漸退莫須致仕且分司

垺澤門邊一區宅森森西陂最

堪憶社踵耆英自有時

公詩云也效耆英踵其迹

莫便披圖動顏色

史孺人死節詩爲友人張印宣作孺人江都張師孔祖

母也乙酉揚州城將破積薪自焚死家人歸覓其遺骨

赤心尚存

春秋宣聖筆大書魯伯姬伯姬待保姆冥冥行弗虧至竟逮
乎火就死甘如飴史母居圍城夫出子又隨倉皇懼辱身積
薪自燔煨同約有鄰姬際變忽長辭從來失節人什九轉念
移姬也何足道母死良可悲耿耿一寸心祝融不敢灰守禮

與植節義客商所宜今古同一揆不朽名字垂何人繼獲麟
傳信攷此辭

池上曉

園鶴甫一鳴城烏忽三遶披衣吸沆瀣逮此池上曉長庚爛
不收殘月似飛鳥不覺衣裳單微風扇清沼一枝紫微花浥
露何裊裊

自題齋壁

雜樹遮陰靜可栽屐痕偏喜護蒼苔石無幾笏經年別籬不
多花盡意開書已罷觀吟漸減我原無住客焉來自嫌麋鹿
生成性肯信中年挽得回

題扇梳圖二絕

廣陵史君典早孤節母張以乙酉兵起

見於友人得其父手書篋一又於鄰姥得其母梳一弄而藏之歲時展對如覲所生

敝楮已毛生手澤存焉爾裊帖價連城寶愛不過此

扇

城破見巾幘敝帚享千金油木祇三寸中有孝子心

梳

題紅橋集

冶春唱徧王司寇

新城先生有紅橋冶春詩又紅橋浣沙溪詩餘

秋興題殘宋大夫

從此風流歸二老平山應不道歐蘇

涼夕

草際一蟲響夜高聲滿堂微風吹四壁朗月鑒孤房笛起引遐思坐深增永傷迢迢牛女宿猶得兩相望

方正學先生祠

烽烟一夕逼南畿痛絕孤臣淚血揮十族可堪同蔓草

時戮建文

諸臣謂之瓜蔓抄

九重亦自愧麻衣金川燕子飛還出玉壘龍孫去

不歸祠宇高皇幸鄰近一坏鍾阜共斜暉

李基簡

字雍南號雪鄰高郵人必恒子敦篤寒言詞善屬文家中落年五十三舉於鄉復構偏枯疾作字用

左手字蹟端正著有寶室集

輓家裏

科名指點說君家架上藏書富五車西去夕陽叉手處澄懷堂北紫棉花

李

貢

字格非號荆門高郵人基簡子邵增生積學工詩李氏自蒼雷訖荆門有四世詩人之目家貧母老擬曾子梁父吟四章讀者動心著有荆門存稿

許葭水諱植字天植吾郵順治時詩人也著有雪吟惜詩不多見雪中效其體

或或山上芝在遠蘊其秀猗猗谷中蘭無言發其臭鄉里有逸老世系綿已舊當年唱聲詩未知誰左右一冊冰雪吟琳瑯金石奏惜哉齒時隔遺編艱一觀收拾定何人吾將訪其

後

擬曾子梁父吟

樂苑載曾子耕泰山之側值天大雨雪不得歸思念其母作梁父吟以見志其

辭不傳今擬爲之

瞻彼東山我耕其旁日之夕矣母氏皇皇孰勞我母雨雪滂
滂瞻彼東山我耕其側母氏皇皇日之既夕雨雪濛濛母
不可卽雨雪未已使我心忪東山崔崔莫知我志母曰歸
哉不歸何食雨雪未已使我心痠東山崔崔莫知我意母
曰歸哉不歸何衣我之不歸兮雪千里我之歸兮雪其已
今夕何夕實勞我母

凌孫有

字似之通州人

旅次送友

風日催人老征途且暫停心驚千里別酒逼五更醒薄海濶

迴紫連山雨送春自憐同旅客長簷不堪聽

張贊元

字履素江都諸生
善屬文工詩早卒

田家雜詩

軋軋縑車到夜闌中宵篝火耐嚴寒村莊兒女當家慣又采
松花當早餐

名擅紅蓮識稻香人家總住白雲鄉黃昏石臼舂聲起大半
都來趁月光

張

澎

字濤飛號莢存懷素孫江都諸生善文工六書
通陰陽卜筮著有南遊吟耳梵堂詩鈔二種

莫愁湖

平湖漠漠草萋萋路近三山入望迷酒嶼斜通秋水濶畫船
輕渡晚烟低千年舞袖香何在十里蓮花影不齊莫更歌翻
新樂府多愁怕到石城西

春懷

寂寞春光暮連朝風雨微病慵新句少門僻故人稀野藥藏
松飯山香翦薜衣晝長閒盡日小坐亦忘機

張祖華

字厚中號勉齋義存子江都諸生善飲詩于咏物
尤工性曠達自履素至勉齋諸素皆副貢張既堂

轉錄既堂爲勉齋孫
長于天文推步之學

謁蕭孝子祠二律

孝子諱
日曠

風透疎櫺夜氣森霜刀握處忍開襟也知烈士空埋骨不讓
忠臣獨剖心短燭寸檠烟落漠孝子燃三寸燭自初更遣書
達旦光不滅其微如豆遺書
一紙血漓淋孝子預作遺
書別父母那堪藥鼎仍親覩危坐何曾便擁

衾

朝昏十七强支持猶見高堂小愈時母已長寧焉所憾身雖
寸割固無辭一門三世都能孝孝子祖憶軒純孝父文襄先
後封股療父母疾俱見府志

千古雙忠共有祠祠旁雙忠祠更歎闡幃敦苦節墓田松影兩參

差祠在墓前

顧瀛字湘靈泰州歲貢生

無題

竝蒂芙蓉兩玉人珠簾騷屑碧紋茵烏龍穩睡清無夢赤鳳狂飛力有神錦瑟銀河深淺浪香沙金粟去來塵分明舊事吾能記曾見青章叩紫闥

王玫字文玉寶應人孤憤嫉俗罕與人交

盱眙道上

東轡隨行旅征塵夜未闌馬頭殘月落衣背早霜寒天地秋俱老雲山日幾盤前途相念苦從此涉艱難

宋州城樓晚眺

荒風野水大河濱
百道車聲碎晚輪
毫社殷墟無白日
漢朝梁苑有黃塵
江淮遠徼雲垂樹
海岱殘峯霧隔人
太息鄒牧詞賦客
死園寒礫弔秋燐

湯廷頌

字欽哉寶應諸生慕林和靖之爲人自號林逋藝梅養鶴與梁鶴林以樟爲友著有梅溪詩譜後知

集堂

乙巳冬日送猶龍子

洛杜淹畱伴我閒
天涯老友又閒關
飽遊白馬湖邊寺
忽憶青陽溪上山
月夜孤舟歸夢促
梅花驛路旅愁刪
明年鄰圃衝寒後
驢背收君好句還

喬

邁

字子卓寶應人侍讀萊之兄居柘溪著有歲寒堂集

春日雜詠

頭白風光裏江湖老布衣
鶯聲憐暮景春色訝初歸
野蜨清

晨見園花昨夜飛蓬門午未敢應爲故人稀

十一月八日

竹裏茅軒冬事宜乍晴天氣似春曦壯年易去驚心苦薄俗
難防觸眼悲此日咏歌無客和百年過悞閉門知卽看薜荔
春風早好向窗前晒鹿皮

水漲再過草堂

秋水漫空野柴門尚覆花半窗飄舊紙一榻擁新沙藜杖輕
隨鶴茅檐低落鴉村煙過午寂畱得幾人家

喬崇讓

字致能康熙丁卯副榜萊次子工寫生龜猴二種尤能逼真善八分早卒臨沒時有詩曰天下八分

谷口我書似之今亦無兩人相繼歸黃土此道將無付子虛

余養病陶園忽有道士闌入相探告余前世事且訂後
期因成二絕

偶然一誤到人閒忘却前身與舊山今日相逢如夢裏白雲

秋館正闕珊

苔疊繩牀二十年丹爐藥竈尚依然松杉手種今皆老雨溜

霜皮帶晚烟

丁

敦字澹園寶應人

許長卿宅

邱壑胸原足新居野外幽青篁深壓石白板斷隨流飲可呼
農父閒曾狎水鷗栖栖每過此一醉暫能畱

仲以懿

字爾成寶應人著有頤菴集子立亦能詩

臨淄道上

征途戒早發淄水自粼粼隔岸猿啼樹疎籬犬吠入雲凝千
嶂雨香散一林春遙望烟深處花源別有津

許

容

字默公號實夫如
皐人著有鷗浮集

建溪舟中感懷

雨餘山更青涼颼來木杪放舟絕壁中仰視疑天小灘拍萬
馬奔聲騰出林表翠巘鬱蒼松丹巖長新篠寄跡有孤舟忘
情羨魚鳥回首望閭烟濛濛迷岸草畏途何重重暴川何淼
淼安得倚棹吟江上釣紅蓼

過馬陵山

秋氣清無賴湖光白可憐遠帆輕似葉孤嶼小千拳沙起封
人面寒接薄旅肩相逢俱不識回首復揮鞭

丙寅立夏前二日三山毛雲山高雲客陳子盤楊浴菴
陳子巖諸先生移席過雲期堂寓

溽暑移樽俎多君過草堂泉疏苔石瘦風暖橘花香白雨翻

空碧青山戀夕陽閒雲人共淡醉臥憶羲皇

馮次阮以詩見詢首云君今客何處烟銜山半斜余時
入閩雲期堂主人畱寓烏石山山水之樂甚適山外事
不問也因懷次阮

不識余居處循泉到竹扉齋虛徧上月石靜已忘機松葉蒼
雲細椿花綠雪飛君來無可供筍蕨近時肥

柔遠驛雨

驟雨翻盆天四垂門前新漲已平池盈階腐草看穿檻滿院
落花漂上墀菱沼時高一二尺竹牀刻下兩三移空齋瓦竈
蛙鳴釜掩却攤書看欲癡

浦城途中書所見

紫壁新藤碧線牽寒禽上下起村烟霜前楓葉紅垂地雪外

梅花白滿天竹引幾竿泉入室山開百級水通田山田百級接流而下
小亭一路堪頻憩最愛危巒倚樹邊

上建谿

一帶高巖映碧流平分竹樹足深幽風恬香結花如綺雨過
涼生氣似秋石峻倒衝天半水纜牽直上嶺頭舟溪程八百
灘三百日日驚心羨海鷗

朱四輔

字監師寶應人順治間尚平南間其名聘入幕中禮遇甚厚知尚有異志辭歸里中

韶州道中

好山無數逐人來紫翠千重面面開樹下有蹊皆鹿跡巖間
不雨自莓苔蘿生斷壁垂還上水作驚湍去復迴獨惜征帆
容易過無由繫纜與徘徊

天南控扼果無雙半壁摩挲自大邦浪繞羣磯聲欲戰山維

百粵勢全降雲韶響斷餘岑石風度人誰嗣曲江惆悵客心
何處寄一樽搔首對篷窗

鄭在湄

字九起寶應人國初時居葭園著有葭湖雜詠

雲居望西湖示司李紀子湘

倚杖凌雙屐荒湖暮雨寒雷峯雲外矗天竺畫中看麋鹿窺
烟市鷓鴣臥釣灘可憐歌舞地零亂夕陽殘

韓

魏字醉白揚州人

奉和梁五粲蒼山見月寄懷原韻

萬里夢懸邗水月一函書帶點蒼雲天長地濶孤吟別楚尾
吳頭兩淚分游子愛山兼弔古將軍好武復能文知君到處
多酬倡好附蠻牋次第聞

別時荷葉正田田身似浮雲漾水邊好景放船櫻筍日殊方

繫馬菊花天巴猿峽鳥聞從蜀暑雨炎風直到滇細把君書

說江夏

涵齋

夢魂飛向葉榆前

汪

宏

字藥谿號青蓮江都人太學生

荅賈二問疾

委巷青苔雨匡牀白髮人朝來聞立夏三月不知春花好等閒落水流無盡因勞君詠寒谷骨相本清貧

詠蓮和迦陵

淥水歌停綠綺琴明珠疑佩玉疑簪幾迴欲涉空江遠一夕相思別浦深蕙帶風輕凝莫影蘿衣露濕湛秋心祇憐山館麗眉客獨抱紅香入苦吟

所期

所期不可得悵望當清秋佳節昨朝雨斜陽今夕舟林疎下

木葉火遠照寒流知有後時夢還同江上樓

奈

峯

字默菴
如皋人

登軍山絕頂

萬里江流自古今登峯側聽海蛟吟塔懸霄漢孤烟直蜃結
滄溟戰氣沈殿閣凌空雲不斷松杉帶日晝常陰扶筇歷盡
丹梯勝長嘯風迴萬壑音

沈復曾

字大復
泰州人

將西同詞臣孝威賦

短市商歌疾驅風此敝裘地形趨碣石山勢坼河流雲策隨
征鳥春詞憶射牛東南銷王氣立馬向齊州

石

尹

字月川
如皋人

景陽鐘歌

琳宮蕭颯飄丹瓦翠檜蒼桷皆繫馬僊樂泠泠玉闕空殿前
駭聲景陽鐘此鐘鑄就何人識興亡閱盡青銅黑慷慨當年
說六朝千門萬戶爲誰驕太極堂前朝擊鼓華林苑裏暮吹
簫五世相傳易世早九錫禪文何草草石頭惆悵彥回生霸
府淒涼寄奴老長城玉樹劇可憐三妃袈服儼神仙狎客聽
歌歌未竟蒼龍禁闥已啼鵲賀公乘霧飛樓檣莽莽新林起
擒虎摩訶生縛蠻奴降胭脂井下良辛苦故宮凋謝數百年
臨平石碣豈徒然龍文斫柱珊瑚碎沈香欄檻化爲烟鐘兮
鐘兮雷文古我聞鐘兮淚如雨

盧廷簡

字子閑江都人順治乙未武會元

邊塞

疊嶂邊城接千軍試鐵衣黃雲栖塞草白日淡寒磯帶晚雕

聲急經秋馬隊肥何年飛將在往事問人稀

王貴一字象山
興化人

廣陵

垂柳維揚道曾經錦纜遊岸花飄客袂帆影亂春流山氣浮
吳甸江聲過潤州人傳竹西處歌舞往來稠

邵

潛字潛夫通州布衣少喜詩古文詞家貧不治生產

工五古精篆籀八分著有循吏傳友誼錄眉如草州乘
資邵山人詩集王漁洋帶經堂詩話通州邵潛夫年八
十餘無妻子僑居如皋子按部至縣邵以書來云苦門
夫之役予抵縣次日晨往訪之所居狹巷不容車騎子
下車徒行入蓬門陋室臥榻與竈突相接所著書板充
棟出市酤畱飲子爲引滿數觴盡歡而罷邑令聞之卽
日免其徭役

遊惠錫園

零雨暮云歇秋氣晨益清名園逝探歷四顧抒中情空翠映

簾幕飛泉滌階庭岩花漸凋謝汀芷揚其馨翔翼拂高漢游
鱗浮且沈式觀孤征雁載聆寒蛩鳴眷此愜幽賞離憂聿已
平何當占一壑永畢吾餘生

登金山

藜杖倚山椒荆吳入望遙岡巒標地鎮濤浪倒星杓鸛鶴巢
雲瘦黿鼉乞食驕平生戀幽勝於此滌塵囂

閒居

城市亦堪隱春風獨掩扉狂鄰生計拙貧使故交稀日月摧
蓬鬢烟霞老薜衣不須論塞馬得失總忘機

過趙凡夫先生山中

天闕幽奇境窮探徑轉深斷巖懸百尺絕壁立千尋竹密生
丹嶂池寬鑿碧岑蒲厓鐫鳥篆宛見古人心

過北山訪裴在湖山人

客舍依然寄遠邨，片心原不受塵昏。
元修暫假刀圭藥，淨業還修祕密門。
靈嶽幾年畱屐跡，名山終古見題痕。
怪來仙骨眞人似，身是清冷衍派孫。

同諸公登十三樓得寒字

負郭樓同綠野看，憑闌風物肅初寒。
東西溪匯雙流合，向背山分十笏攢。
香徑鳥啼梅影瘦，幽林犬吠竹聲乾。
雲烟對客堪舒眺，未使浮生絆一官。

孫

謙字伯益號黍菴通州人家貧好學不妄交接諸同
人中獨與黃海程鼎菴友善唱和之餘有梅花三

百韻鼎菴
爲之評閱

梅花

調殘綠綺寄遐思，一曲千秋弔子期。
冷露繁霜傷歲暮，疎籬

芴屋愛春遲枝頭風動花開處林下香來月上時猛憶揚州
遷客去至今官閣重題詩

就裏微紅淺露苞烟光凝碧護花梢愁嗟白髮餐雲母爲戀
青山臥碧巢勁節獨標天下士知心誰訂歲寒交嚴飈乍向
疎林轉晴色怡人肯暫拋

博得芳姿與雪親解妍獨占歲寒心香傳騷客吟邊字影落
高樓笛裏春孤潔設裁雲作幔清標難瘞玉爲塵却憐開放
宜晴煥風雨休教妬浹句

遙傳春信過江南帶雪何妨訪遠探幾處花開連水驛十分
香處到山菴奚奴負戴瓶居一明月邀人影共三拾得好懷
寄幽況新詩題徧自能諳

于王庭

字伯揚
江都人

江上中秋兼憶里中諸子

徙倚篷窗下秋風冉冉生天畱今夜好月到大江明石港人
烟集江潮舟楫平梁園爭賦詠誰得擅場名

劉之湛

字湛公
江都人

阻風東溝

一片攝山月江邊照獨愁人畱花市酒風阻石城舟紅樹圍
新岸青峯倚舊樓夜深長笛發何處起眠鷗

戴

輿

字文簡一字
寧齋泰興人

送李天開之海上

丹青稱小李妙景盡情收夜色疑歸雁秋聲醒睡鷗板橋驪
已唱茅店酒方籌畫取滄洲意畱名東海頭

和黃交三內兄登雨花臺原韻

金陵遊覽信悠哉想像登臨逸興開
牛首峯高青靄斷龍江關迴白雲來
知君作客橫詩筆念我離居罷酒杯
江郡清秋無限好風光何日共徘徊

仲春集孔東塘使君寓樓同包侯賡先生黃舊樵岳父
暨茅子唐高士上木交三兩內兄卽席分賦

仲春躡屐過精廬更喜高賢駐鹿車
作賦正當風雨後登樓況是夕陽餘
客中遣興三杯酒世外論交數卷書
北海門牆賓從滿也容問字到樵漁

黃鸞祥

字瀛客泰州人仙裳孫
交三子著詩彙一卷

午日東原咏榴花

正值端陽日榴花火作堆
綠陰吞壁上紅影入簾來
絕豔浮杯酒殘粧委鏡臺
東原同聚會賞玩笑顏開

送繆墨書先生應試入都

父執多年追講席今朝相送薊門游和風御柳飄鸞閣曉日
宮鶯出鳳樓對策廣川真慷慨懷才司馬最風流千門九陌
花如霧遙憶春光控紫驪

王浩川昆玉招集竹里同外祖宗梅岑先生國博孔東
塘先生祥鸞侍家祖父卽席命賦分得十四寒

廣陵雨歇尚餘寒躡屐招尋春未殘曲浦漁舟吹笛過畫橋
烟樹隔山看閒邀好友同高詠靜對芳梅締古歡此處幔亭
投轄處不妨翦燭且盤桓

隨家君過外祖宗梅岑先生小香居賞桃同醴陵母舅
賦得桃字

燕郊河橋水半篙小亭花事費香醪一春梅杏都尋遍又到

東原看碧桃

陳厚耀

元撰疇人傳內陳太史傳云陳厚耀字泗源泰州人康熙丙戌進士安溪李光地薦厚耀通律法引

及問弧背尺寸厚耀上命試以算法繪三角形令求中綫

里戊子見特命來京已丑五月命寫筆算式進呈少頃出河

厚耀扈行至密雲知此法否厚耀對曰進呈少頃出河

法精妙極爲簡便臣法臆擬不可用曰進呈少頃出河

將教汝汝其細心貫想以待朕問次日又問曰汝能測

北極出地高下否對曰若將儀器測景長短用檢八綫

表可得高度此在春秋二分所測則然若餘節氣又有

加減之異然亦不準何也臣問地上有朦氣之差以人

目視之有升卑爲高映小爲大之異故以渾儀測之多

不合但在天度數則不差也又問地周三百六十度依

周尺每度二百五十里今尺二百里地周幾何地徑幾

何奏云依周尺地周九萬里今尺二百里地周幾何地

徑一推之地徑二萬四千以密率推之當得地徑二萬

二千九百一十八里有奇上復問地圓出何書

對以周髀算經曾言之問何以見其圓也對曰職方外

紀西人言繞地過一周四市皆生齒所居故知其爲圓

且東西測景有時差南北測星有地差皆與圓形相合

致益知其爲圓時厚耀以母年高不忍離乃就教職得

蘇州未踰年 召入南書房 上問測景是

何法厚耀求 指示 上曰此法甚精不必

川八綫表卽以西洋定位法開方法虛擬法寫示又

命至座旁隨意作兩點于紙上厚耀隨點之

從容論之曰堯典敬授人時乃帝王大事奈何勿講自

是厚耀之學益進嘗 召入至淵鑒齋問難反覆

器及天象樂律山川形勢得徧觀 御前陳列儀

命賦泉源石壁詩 授中書科中書傳

旨曰 上諭厚耀曰汝嘗言梅穀成京官使汝老母喜也

與汝同脩算法製成至 上問曰汝知陳厚耀否

他算法近日精進向會愛教于汝祖今汝祖若在尚將

就正于彼矣乃 命厚耀製成並修書于蒙養齋

何原本周易折中字典典西洋儀器金扇松花石硯及瓜
菓等克什甚多癸巳修書成 命賜帑銀著江南織造經紀其喪
甲午丁內艱 命賜帑銀著江南織造經紀其喪
喪畢晉國子監司業擢左諭德兼翰林院修撰戊戌會
試充同考官已亥告疾以原官致仕所著書有孔子家
語注左傳分類禮記分類戰國異辭十七史正訛及天
文術算諸書又春秋長術十卷乃左傳分類中一門爲
補杜預長術而作其凡有四一日津證備引漢晉隋唐

宋元諸史志及朱戴堦律書諸說以證推步之異又引
春秋屬辭杜預論日月差謬一條為注疏所無大衍律
議春秋律考一條亦唐志所未錄尤足以資考證二曰
古術古以十九年為一章一章之首推合周律正月朔
旦冬至前列算法後以春秋十二公紀年橫列為四章
縱列十二公積而成表以求律元三曰律編舉春秋二
百四十二年一推其朔閏及月之大小而以經傳千
支為證佐皆述杜預之說而考辨之四曰律存以古術
推隱公元年正月庚戌朔杜預長術則為辛巳朔乃古
術所推之上年十二月朔謂元年前失一閏以經傳
千支排次知之上年十二月朔謂元年前失一閏以經傳
日者雖多不失而與二年八月之庚辰三年十二月之
庚戌四年二月之戊申又不能合且隱公三年二月已
巳朔日食桓公三年七月壬辰朔日食亦皆失之蓋隱
公元年以前非失一閏乃多一閏因退一月就之定隱
公元年正月為庚辰朔較長術實退兩月推至僖公五
年止以下朔閏一一與杜術相符故不復續載焉蓋厚
耀精於律法視預為密於考證之學尤為有裨治春秋
者不可少此編矣壬寅春卒
年七十五子傳華郡庠生

北苑新秋應

雲天清暑色木葉送秋聲水淺魚龍起山空鶴鹿鳴南嶽金闕近北眺翠屏清一路沙痕白拈花亦有情

熱河趵突泉

由來鑿飲頌康衢誰道甘泉彙勝區萬派寒潮飛匹練半天花雨灑明珠膏流海外尋源處清在人閒發軔初此地風雲開北極靈根玉宿擁

皇圖

泉源石壁應

制

奠定新開繼禹功九州隩外碧霞宮千尋削壁渾鋪玉百道飛流似吐虹天獻奇巒真瑞景神輸太液豈人工欲知萬象無窮境盡在平成變化中

淮海英靈集

鄉人阮元輯錄

陳

鉅

字其相號水壑寶應貢生爲詩出入中晚宋元鉅鑄成家與陶處士季朱上舍克生唱酬著有集園

集

山村

微雨散蕭晨
凌空山翠起
枯柏隱茅茨
人家住山尾
窄徑穿雲根
迴湍激石齒
好鳥時一鳴
翛然清俗耳
幽景觸我心
萬慮澹如洗
却笑白頭翁
門前種松子

京口懷古

山勢蟠京口
雄關壓上游
夕陽空戰壘
漁笛起孤舟
霸業齊梁盡
江聲日夜流
憑高無限意
愁倚仲宣樓

句曲道中

四面峯巒翠
紆迴斷復連
松根扶墮石
雨溜助奔泉
逕轉疲

童失橋危瘦馬旋逢村時自笑又覓酒家錢

· 答秋厓

命也夫何怨霜天涕淚眞寸心攢百慮十口累孤身歲月流如水容顏老逼人把君書再讀慰我更酸辛

· 贈何符卿

向

荏拓憐何向間關萬里行他鄉餘白髮知己託青萍性僻交人少途窮覺命輕信陵難再得誰識老侯嬴

落雁

平沙千里濶落雁自成叢驚笛浮還沒隨潮西復東蘆花秋水外菰米夕陽中莫羨高飛好天涯滿角弓

靈谷寺

古寺週遭樹百層陰深常闇佛前燈金牌不見長生鹿石室

還多入定僧香積泉清畱客坐浮圖梯斷少人登憑高莫向
臺城望黃葉蕭條武帝陵

泛舟射陽湖

欲雨不雨晝冥冥扁舟蕩漾湖之汀淪漣水照白齒蒼蕭疎
葦立紅蜻蜓楚王墩樹遠鬱鬱陳琳墓碣高亭亭前有漁家
住港口買魚沽酒須畱停

下相感賦

馬陵山下古鍾吾側抱黃河控六湖俠少彎弓朝射獵羈人
買酒夜呼盧彭城都後無王業亞父歸時失霸圖此日平原
增悵望茫茫千里月輪孤

山寺

枯柏蕭森山四圍禪林下馬立斜暉殘碑讀罷無人見古殿

陰陰蝙蝠飛

送友人歸江州

潯陽南望天連水大孤小孤黃葉稀一片歸帆秋正好滿江
煙雨鷺鷥飛

聽鄰家理箏

小院香分鵲尾煙鄰家低按十三絃不知玉貌愁多少但覺
銀箏泣杜鵑

陶

蔚字文虎寶應人徵
子著藝桐餘響

桐城北郊小飲

拄杖叉錢索市沽滿山春色老蘼蕪殘花亂落天將雨烏柏
枝頭叫鵲鵲

常

典字敘五號梅崖江都人居北湖公道橋順治辛卯
舉人涇縣教諭所著有尊屏實詮十卷梅崖詩集

若干卷

山中

山中果然好夏葛冬一裘茅屋三兩椽綠樹遶層邱不知市
朝事相期日夕遊有時命中車或者棹小舟遇景卽一醉來
往得自由人至不空坐客去亦不畱殘書堆滿榻棋枰置案
頭興起發長嘯倦則閉雙眸吾心亦何樂此內本無憂

常

藻

字奉若江都增
生居公道橋

送友贈別

幽懷猶未暢空谷悵羣音酒欠連宵債詩慳一字吟欸畱需
異日惜別有同心怕見揚帆去悠悠潭水深

常履寬

字碩延號旣齋甘泉監生居
北湖公道橋著旣齋詩集

寶珠閣讌集僧餉豬首見壁有題贈因步原韻

半年不到舊精廬壁上新詩一起予久乏清言揮玉塵重添
佳話餽燒豬文通遊戲皆三昧禪晤真空卽六如高會湖濱
緬餘韻秋風鴻爪影蕭疎

沙永福

字配言甘泉諸生
居北湖公道橋

題囊琴濯足圖

濯足南淮萬里流振衣千仞蜀岡頭廣陵散絕人間後只合
仙人赤脚游

陳廷相

字瀨海江都廩膳生居北湖
公道橋博學能文康熙間卒

常子兆熊山莊偶集

湖上伊人水一涯小軒終日浪淘沙雨餘濕翠桑麻地風過
清香豆麥花索句每難酬酒伴借閒常自到僧家夕霏亭外
秋如許鬢社湖中月已斜

歐陽復旦

字爽谷號晴峯江都諸生居北湖公道橋工畫山水精于書法尤長于醫卒年八十一

旅舍送客

幾度傷離別曾無惜別詩恥將倔強性竟作慘淒詞雨冷燈
昏夜風號歲暮時君今束裝去動我故鄉思

朱青選

字號野塘泰興人康熙己丑進士翰林院庶吉士

凌霄花

百尺芸黃霄可凌令非攀附亦奚憑儼瞻寶相垂瓔珞幾認
虛空擲綵繩蒼榦虬枝如束縛高花翠幔得因仍秋零冬茂
還相代交讓爲心却未曾

五鬢從來自花茗華故故曲相遮縱非蕚與薰同器寧異
鳩居鵲所家素質無端纏錦繡妖姿只是逞天斜幾時放出
貞松面何啻過天返巨槎

王新猷

字无咎泰興人
侍御桐孫長子

凌霄花

纖纖弱幹欲焉凌
附會因緣得所憑
未必去天剛一握
也矜繫日有長繩
仰承雨露滋榮渥
俯視根株引蔓仍
擁腫被他嗤散木
空思縱壑竟何曾

望若丹梯古院花
羊腸曲曲徑周遮
亦知松柏非同氣
且引雲霄共一家
得路漫誇滋蔓好
批根終受雨風斜
其如九夏時方盛
那得窮他星漢槎

史進義

字方山
揚州人

次韻梁五粲滇南寄懷

憶別河湄散梗萍
蒲帆不爲暫時停
廿回江月驚心白
萬里滇山繞夢青
去日交遊悲夜雨
他鄉知己歎晨星
從來舉世

皆稱醉莫漫人前倚獨醒

偶厭蠶寒慕韭萍方輪難轉去還停
眼從熱處增新白
輟到歸來損舊青
臯廡頻過思黯黯
衡門一臥髮星星
離愁最苦冬宵永
醉打山鐘夢已醒

喬

寅

字東湖著有遊黃山詩一卷題爲揚州人康熙乙丑烏程夏宛來馴四明萬允誠斯備爲之敘

同萬允誠李松嵐初至祥符寺呈江允凝

返照開松徑飛泉灑石門
谷量雲不盡砂伏水常溫
采藥從吾好攜筇就爾論
相思三十載今始到仙源

雨宿慈光寺

連雨宿精廬徙倚得佳境
長廊面天都煙嵐變俄頃
幽尋約未踐目擊心已領
坦步向松門禪燈耿雲影
淙淙飛瀑喧彌覺空山靜

山風颯然至鈴鐸中夜鳴披衣就明月雨洗高天清危峯削
寒玉倒影垂空庭淒神立難久懷仙心未寧如聞有鸞鶴縹
緲來青冥

龍翻石廢菴

老人
峯側

老人相望處不復見香林石激水聲怒巖藏花氣深欲畱愁
日暮小立愛松陰寥落登峯客誰來更布金

蓮花峯絕頂觀雲海

遊侶喜相呼清旦風日美踰壑仰峭蒨躋攀自茲始縱目踵
不前曳踵復遣視僂僂入山腹沿緣旋石齒已謂到花鬚纔
及青蓮藥傾崖鑿人跡託足納隻履捨策捫莓苔徑絕飛梯
倚冷然御風行興廢不可止雲海蕩朝光眺聽空千里遠惟
九子青近則天都峙羣峯盡陸沈隱見白波裏乾坤信遼廓

勞生吾老矣揮手招浮邱細討元精理

登始信峯望石筍砭散花塢

鴻濛亦善幻鑿空出奇特疑游化人宮如入維摩室解籀森
檀欒干霄聳寒碧雲鬟調鸚鵡鶴竚參博奕連袂儼同行或
坐或離立上雜蛟螭盤下綴崖花密林林拔地起詭狀難殫
述目眩歎觀止賞延嗟易失東峯復吐光輪囷射西日應念
相須殷懷奇不忍匿歸休獅子林回首有餘憶

仙橋峯瀑布

颯颯飛泉挂翠屏石梁高擁半天青荆榛無路通雙屐風雨
連山走百靈倚醉那能終日對將歸猶得片時聽鄙生善貌
奔騰狀惜未來遊註水經

信宿祥符寺贈蓮公

已束歸裝向澗阿還思惠遠復相過林藏藥谷炎暉少地近
龍潭暮雨多頻倒清樽分蔗筍便移短榻就煙蘿重遊縱有
高秋約如此溪山奈別何

別黃山

發軔白龍潭弭節仙燈洞奇峯猶趁人昨遊已如夢山陲氣
蚤暄漸覺征衣重寒泉獨依依出谷遙相送

賈寬生

字僑光號栗亭儀徵生員著有詩稿一卷

三日見新月有感

去年見新月饑驅出里門今年見新月遊子思故園僕僕一
年中酸辛胡可言旅食寄茅菴晨夕鐘磬喧長淮春漲溢四
壁水平垣際此卑濕地斥鹵非無源鬱鬱入朱明河北託高
軒襟懷暫爽朗親朋消悶煩腰背忽攪疾孱軀幸自存藥裹

不脫手兩月減饔飧秋來渡黃河時驚風浪翻途窮見舊交
下榻欽陳蕃投契在性情真率蠲苛繁寒風西北來積雪徧
荒村堅冰亦何厲歸計怯更番遙念高堂上菽水仗弟昆誰
知漂泊子趨庭祇夢魂一身嗟萍梗兒女安足論百感填寸
心俯仰不可捫仰天發浩歎青衫多淚痕

丁腹松

字木公號挺夫又號左山海門鄉人康熙癸未進士官內閣中書改授陝西扶風縣知縣以疾辭歸

扶風人思其德祀名宦祠旣歸田課親舊子弟給以膏火文風振起初海門隸揚州爲中縣江州後人民逃竄附籍通州而本籍未失歲入鄉學六名撥府學四名旣而改通州爲直隸則府學不可得左山捐資首事乞廣額以垂久遠壬子七月水泛溢流民奔逃無依左山各與衣蔽之煮粥兩晝夜民賴以活者八百餘口晚年以餘財悉分三族貧者各有所遺年八十

五卒所著有南遊小草一卷續草一卷

嶺南

涓涓微雨滯萍蹤春色留人意正濃擲地澗多紋石爛嵌空

山有白雲封喬柯結草懸牛飯湍水迴輪代宿春最是嶺南
時序早山田三月已忙農

薛

彬字月峯如皋人歲貢生有詩稿一卷

秋晚

薄暮秋陰淡亭深日掩關寒煙衰草外疎菊亂籬間
光靜清虛簾幙閒悠悠憑几坐漁笛出林灣

王崇謙

字咸吉一字鐘菴儀徵諸生伉爽篤義工詩古文嘗陷圍城中積屍如麻有騎將二護以行得免問其名曰東門之餓夫也蓋鍾菴嘗于雪中救此二人也康熙三十八年卒著鍾菴集

送友之大同

亂山橫塞馬蹏來滿地邊聲畫角哀斜日一鞭何處宿黃沙
白雁李陵臺

掃葉

落葉到秋堆滿逕呼童掃去當山柴不須更說烹茶好且看
月光寒一階

福生鼓

國賊盜神柄漢臣情如醉年少狂書生秋空一鶚鷺丞相筵
搥鼓吏漁陽三弄何淵淵賓主聞之皆惘然鼓聲死罵黃祖
晴川碧血埋鸚鵡漳河七十二高邱漢水茫茫三尺土江南
江北誰千古

王國鑾

字廷聲一字淳深儀徵人崇謙元孫乾隆辛酉舉人卒年二十三穎悟能文詩多奇氣繼子文泗輯遺稿爲一卷

雜言

鬱鬱樗櫟材蕭蕭松柏枝樗櫟日以茂松柏恒見披庸人多
厚澤君子有屯時董生豈不偉驕王情無知少卿旣生降乃

不如貳師達人命可安因之忘險夷

平陵東

平陵東游俠客騎白馬控金勒客少休爲客言賣白馬買烏
犍客有西山數頃田

詠史

夢感雲龍赤帝生扶桑曉日散炎精中原有鹿歸亭長大澤
無蛇阻漢兵焦土更思三事約登壇能使一軍驚歌風絕調
還千古畱得高臺壓沛城

玉勾斜

玉勾斜風鳴葉髑髏帶泥燐帶血忽見金蠶遶墓游須臾化
作雙蝴蝶

李

滢

字鏡月典化文定相公四世孫也居高郵康熙乙酉舉人有警家中其先人事滢銜卹三年志復讐

事稍激迫身罹園土中著易贊楚辭潭影諸篇奇氣
結既而海之乃爲冲融淒婉之詞獄解歸家布衣蔬食
教兩子成立乃縱遊燕齊魯
衛吳越諸郡著敦好堂集

玉山寺看月

今夜玉山月清光愛獨看鐘聲度遠水佛火照疎欄檜柏當
牕靜星河倒影寒金焦一憑眺白露白溥溥

孫介菴招偕令兄虞橋康小范錢湘靈諸同社夜集和
湘靈韻

蜀岡枕漕渠歌吹沸泉石良友重盃簪此夕速嘉客緬懷人
外姿眞氣來冠幘清醕浮素卮無事分齊鬲天漢夜西流朗
月照窗隙鼎鼎歎浮生何異歲寒槭所期德義崇升沈各自
適離憂念後來失路悲往昔當筵且放歌五白豪呼擲

登闕里奎文閣望岱

闕里聖人宅歷代享祀崇傑閣名奎文嵯峨峙其中朝瞰出
城郭四郊宿霧空我來快登臨披襟受天風虬松夾朱戶棟
宇何玲瓏山色千里來蒼翠豁心胸層巒不可辨髣髴指龜
蒙縹緲雲霄間極目見岱宗憶昔軒轅時玉簡幾登封我欲
奮羽翰躡足最上峯此志未得遂遠望青濛濛高樓多古懷
川陸有餘恫周覽金石文喟然歎飄蓬

送王立士赴遼左

數載悲歌行路難生還暫到甓湖干市門幾見來僧祐用贈王儉
詩事阜帽今偏重幼安驅馬榆關邊月白啼鷹碣石朔風寒何
時快覩金鷄

詔煙水滄浪把釣竿

郭嗣齡

字引年號述堂江都人貢生郭光之子居北湖黃
珏橋與郭九成鉉玉同師事處士范荃荃子文無

所不學以詩古文授九成以時文授述堂述堂乃守師訓精研宋儒理學求先正文體從遊者至數百人中康熙辛卯科舉人乙未進士官松江府學教授雍正癸卯分校浙江鄉試卷時文尚耕麗述堂獨取古雅者爭元雖抑置第二至今稱之所著有述堂文集拾存稿若干卷時文稿最多有和潘震玉論語全篇文一卷門人焦星若沛然刻之

題松江童子張延年小言集

八歲小童子書卷不釋手更能運妙腕筋骨競顏柳字大徑如箕小亦圓於斗一時賢長令延致惟恐後親見落筆時驚歎曾未有復試以小言錦心而繡口我習聞阿翁交遊絕不苟閉戶著名山校書窮二酉不謂陋若子翁竟許爲友每服翁詒謀累積良孔厚是翁生是子造化豈其偶翁年雖予齊迴異子衰朽日視兒詩文芳名不脛走才調旣神奇器尤堪大受翁樂在天倫優游登上壽

國昇

字冠霞號鶴效泰州人康熙庚子副榜官廣文善教士士多稱之嘗遊江楚制撫幕中贊畫甚當程

雙橋京兆以社中老斲輪稱之晚年目病盲惟日午就

應作詩文易米字大如胡桃得者寶之年八十八卒著

畫山樓詩十卷文四卷假年日錄四卷其弟

子陳理堂變姜桐軒鳳皆拾其遺詩為一卷

春中過蘿園

在真州

夜雪作餘寒朝曦薦微暖物候本向榮精舍況非遠窗虛山

翠明林靜鳥聲緩坐久闕無人繁花落空館

天門舟夜

已決歸期近愁心翻不眠水昏初月夜山響欲風天客路依

漁火人家認柳煙新涼醒殘醉坐整葛衣偏

黃寧

字履安號旅菴如皋諸生著桐陰山房詩集六卷旅菴文集四卷

擬曹子建驚風飄白日一首即用原韻

長松不潛澗彤雲不戀山忽忽圓象運常恐秋露繁良材際

休明何能愛寬閒獨有棟梁器偃蹇蓬茅間悲歌赴流水徘徊仰遙天中夜不成寐攬衣竚幽軒世事多奇遇誰實相與憐在昔家臨淄箕濮志未全嚶鳴願所託榮懷伐木篇豐城埋寶劍繁孰職其愆寧虞土室深積久光昭然伏櫪思千里安可負盛年好期勉令德聲聞自廣宣逢時得恒理聊申慷慨言

李

樵

字漁仲號拾雲通州人

琴川道中

昔年曾到此今日復南征水漲青連岸山高綠過城桃花仍屋角小鳥自春聲顧我辭家客迢迢萬里情

玉山

晚入玉山境行行欲暮天春風烏柏樹明月綠荷田近郭常

飛瀑空亭半積煙最憐巖穴裏燈火數家連

李

楷

字憲樞號端樹通州庠生

送金莧門之吳

昨夜隄邊剛折柳今朝又餞客
行裝迎潮有信豚吹浪掠水
多情燕語橋人爲別離春易老江分南北路偏長
澱湖獨立頻回首點點雲山是白狼

錢

密

字玉立一字實晉泰興人著有得閒軒詩草一卷

雨中狼山下農家

兀坐山莊裏濛濛潤綠柯池平鷗意適葉亂雨聲多
酒盡寒猶厲橋危水漫過
烏啼偏向晚幽客興如何

姚士超

字越羣號抑菴用貢生居海門鄉

暮遊劍山

半天橫劍脊獨往歷嶽寄寺廢人遊少山高日落遲步經嶠
頂蹇詩到靜中奇倦倚孤松立歸鴉兩不疑

端木字謙

字協和一字梅菴高郵人歲貢生績學工古文詞精于詩律善行草書王文簡贈詩有云此才

飄落老菰蘆三十六湖無氣色卒年七十一
子嗣玉亦歲薦孫裔庠生著有黎山詩鈔

寄國子博士孔東塘

衡寒記別竹西亭多少梅花戀使星大雅久膺東國望草堂
長護北山靈三年濬海頭俱白累世通門眼倍青昨夜夢隨
風雨去摩挲石鼓聽譚經

送殷桐高入都

百道珠光瀉彩毫詞壇應執割牛刀每攜蠻榼謀良會慣以
奇書下濁醪紅樹雁聲當夕黯黃河詩思逼秋高翩翩入洛
名元大恰好乘槎八月濤

尋梅

遠香遙被亂雲遮尋過山巔又水涯忽轉小橋通一逕白頭僧對古梅花

湯希儀

字汾陽號象亭
寶應廩貢生

歸家口占

乍省生還樂回頭作客難迷途都當夢好事是承歡落拓言歸晚清癰試帶寬幾番操瑟後揮手惜輕彈

程

銓
字文衡江都人有其旋館詩
稿本藏錢塘汪小海淮家

大龍湫

百丈雲巖上神龍噴水飛四時作風雨萬斛瀉珠璣不可形容處無窮造化機忘歸亭上坐誰肯不忘歸

遊豫章東湖

行坐自徜徉吟聲遶屋梁曉煙滋柳色晨露發荷香以我一
心靜乘他六月涼淵明知此意高臥到羲皇

雪中渡江飲陽谷上人房

山酒吹香出小槽燈前痛飲污青袍夜深夢醒知何處老鶴
一聲山月高

孫

蘭

字滋九號柳庭江都人居北湖之孫家渡善書畫

相倡和尤精于史學著有柳庭
人紀三十卷與地隅說四卷

採菱

微風輕度角菱香百里湖田水路長莫遣扁舟過湖去恐驚

三十六鴛鴦

張家熹

字曉吾號曙湖泰興人
官四川保寧府同知

秋夜保寧寓中作

萬里碧天夜蛩吟響未休露涼山得月風勁竹鳴秋不作他鄉客寧知遠道愁蓴鱸今正美何日放歸舟

張宏才

字肩亭號篋泉泰興人任江寧府學訓導

秋日吟

習靜如枯木懷賢古道遐五株陶令柳一逕杜陵花爛果王丞相分金鮑叔牙何當從佛證入定老僧家

張屏箴

字寶三號芭菴江都人康熙甲午舉人上春官不第遂卜築城東樊水之上奉父以居不求仕進

著有尚古堂文集詩集

松下丈人石

鱗响片石絕塵俗林間玉立如仙人任侵霜雪都無恙閱盡繁華只此身杖履忽驚孤鶴唳鬚眉欲附老龍鱗醉時頻下米顛拜簸簸松花落滿巾

春陰東友

春來風雨苦交加，愁絕蓬蒿仲蔚家。
茗煮斷鐺聲似蚓，詩題破壁字如鴉。
曾無好友衝泥過，幸有疎梅入檻斜。
濁酒幾杯酣睡去，空階一任鬧青蛙。

徐寧致小築

南州高士誰能識，小築茆亭傍水開。
近日行踪鷗鷺熟，新來野服芰荷裁。
白鹽赤米身堪老，春韭秋菘手自栽。
醉後獨吟還獨酌，娟娟涼月照人懷。

秋夕

涼風吹碧雲，暮蟬發清響。
野徑少人行，葉積青苔上。

寒夜

草堂霜氣侵幽壑，泉聲遠夢破。
月當窗空林吠寒犬。

贈王少涵

門外蒼葭煙水濶
高人樂此竟忘飢
生來傲骨與誰合
老去孤情只自知
三徑就荒雲共住
一身多病酒能醫
據梧朗誦驚人句
隔浦秋風淅淅吹

寄莫秩菴

前年握手樊川路
習習涼風入鬢斜
茅店同呼村白酒
溪橋正放水紅花
狂吟醉態憑人笑
好句仙才向我誇
指日遙尋雞黍約
片帆秋水到君家

晤胥惠上人

高人厭城市
十載潛山林
舊雨重攜手
新詩各寫心
途窮憐白髮
骨鯁重黃金
多少離羣恨
秋風起暮砧

楊若霖

字金谷園詩稿
江都生員

除夕

又一年將去淒然獨愴神
天餘臘後雪我是病中
人穩藉梅花夢潛通竹葉春
幸生歡聚首長此守清貧

殘春漫興

舉步便多礙出門何所之
惟餘書繯繆聊藉藥扶持
竹靜幽禽入花慵倦蝶知
春光能幾許又是困人時

題齋壁

抱拙空山愧不才
秋風掃葉淨荒堦
柴門盡日無人到
只有黃衣小蝶來

嚴子瀨

壯士昆陽解甲回
高情獨向富春來
五陵原樹秋風盡
畱得先生一釣臺

程

增字亞韓號朋亭後更名世華康熙間太學生祖籍歙縣槐塘人入籍儀徵遺稿散失存詩八首蓋其

少作也

玉鉤斜行

荒煙迷斷城西路野水寒生蘆葉渚空臺何處問瓊花廢閣
今朝長禾黍離離衰草冢纍纍云是宮人曾葬處可憐白玉
紅梨花埋入青邱與黃土月明夜半返香魂清歌妙舞誰爲
主相思化作楊柳煙淚痕灑作桃花雨當時苑裏飛流螢今
日冢上徒星星爲問歡娛時有幾撫絃一曲歌難聽隋家冷
地飛霜早西風葉落無人掃虞姬猶作美人花玉鉤痛殺王
孫草美人美人安在哉杜鵑春樹猶悲哀至今腸斷隋堤夢
魂去千秋喚不來

陳夢雲

字軒紀號曉園甘泉人康熙時歲貢生著有南遊草行世

五月十四日夜坐卽景

塞雷失雨勢草際蚯蚓鳴纖雲亦已卷山月當中庭新浴啜
苦茗絺衣夜涼生坐臥各自適悠然無俗情

錢塘候潮 選一

秋江正是觀潮處不待樵風帆競開勁弩無人摧海若赭山
山外架山來

沈

鐸 字默安高郵附貢
生海陽令雅子

擬謝康樂遊山

結念在靈境行行陟陁峴半規遠峯藏幽光密林現石磴峭
巉巖泥坡長邈緬青嶂聳雲衢丹楓映苔巘薜蘿依喬松蘭
茗雜枯蘚幾度鳥鳴幽一聲猿叫遠空谷花自開深溪流任
轉仰見白雲飛俯窺黃葉卷頓爾宿塵空自覺幽情展我志

在邱樊茲遊樂非淺

王

曙字錦泉號旦山通州布衣博學多才乾隆二十五年卒年二十五

· 秋日病中感賦

人與秋同瘦經旬斷客踪長吟憐蟋蟀短夢寄芙蓉泡影原無我參苓太負儂恐傷堂上意珍重舊時容

王永祺

字翼寧號藝菱通州人旦山姪廩膳生天資秀穎沈雲椒司農視學江蘇有國士之目天亡可惜

狼山秋眺

寥天一夕秋風起吹徹層雲千萬里扶筇直上最高峰水光山色空濛裏五山屹屹亘相連中有狼峯高插天岷江渤海環磯底福岫虞山落眼前眼前景物誰能數萬頃波濤窮一顧嘹唳唯聞塞北鴻蒼茫不辨江南樹樹底煙嵐紫翠濃夕陽天外削芙蓉何當直跨滄溟去高步蓬山幾萬重

送友人王浚亭之建寧

論交今五載風雨數相過
遽作銷魂別其如遠道何
一樽知己少萬事客愁多
唯有陽關曲臨岐強放歌

舟中感懷

西風吹冷到孤舟回首青溪幾度遊
人比黃花應更瘦心如病葉不禁秋
空山尚有梁鴻隱濁酒難澆阮藉愁
舊業未荒書劍在此身何處覓封侯

春日

輕暖輕寒欲暮天
愁心黯黯不成眠
游絲軟罥斜陽樹
芳草低迷古渡煙
隔院松篁閒永晝
小牕風雨惜流年
楊花落盡春無主
聽到啼鵲意惘然

項夢昶

字東馭號水村江都貢生乾隆中年僑寓嘉興賃祝氏綠溪莊之半有紅蕉山館蘋風竹雨軒春秋

佳日與朋好觴詠其中遺詩
一首得自嘉興曹學博秉鈞

題諸草廬宮贊高松對論圖

翰林先生仙而儒城西久卜宅一區眼中突兀見古物老龍
鱗鬣蒼髯須吾家襄毅手所植勲業遺畱遞消息清廟明堂
大雅才柳雅韓碑太史職青松之傍老桂香主人偃仰清祕
堂高柯百尺巢鸞鳳衆鳥何敢言文章表裏幽詩夏小正禮
經一補臨川亡役使馬鄭并賈孔囊中別具天人糧讀破琅
嬛一萬卷籤帙孰非流言偏意少司空三十車朱墨鉛黃猶
滿硯殷殷誘掖膚末學以及殘絺與破甌雕鐫小物句不工
砂石猥煩重煎鍊時味蟾子圖
八律就正有時高詠濃香薰松根爲草
垂天雲有時蛟蛇蟠鬱裨松下爲文理退筆肅然靜對君子
容如射使端御使恭居鄉先達眞足式林下水邊時一逢青

珊瑚好映黃雪祝公永堅冰玉節松根犬吠廝茯苓綠骨方
瞳守元訣從公請作主客圖聽公對論味道腴我非玉皇香
案吏願爲識字耕田夫

方汝謙

字牧園一字牧原通州人乾隆庚午順天鄉試南方汝謙元丁丑會試第二知山東寧陽館陶江西高安縣

著有白雲山樵自剛詩一卷

秋礎

涼風飄木葉之子歎何深不共閨中月難爲塞上心數行傳
遠雁雙淚落清砧試向空林聽淒淒一片音

秋懷

霜礎淒緊欲寒天顧我無衣一惘然鄉思半添蕉雨後宦情
先冷菊花前閉門種菜悲今日結客登場憶往年到底劉平
終個強逢人羞說辦裝錢

晚渡黃河

飽挂風帆趁晚晴
黃河秋信水初平
汀鳧沙鷺參差沒
野火漁燈次第生
九折崑崙來積石
半天星斗落孤城
蒼茫極目江南路
蘆荻蕭蕭雁一聲

史德超

字曉香號夢山江都生員久客津門著有寫心集客中吟

秋海棠

身是宣和沒骨仙
夜涼誰宴淡粧前
當年浪逐濃春嫁
回首東風亦枉然

懷喬渭堂

十幅蒲帆下石頭
漫因霜老不吟秋
六朝剩有荒煙雨
愁入西風十二樓

張朝樂

字子長號竹軒如皋人南坪子遵川運例捐知縣歷任湖南龍山武陵湘潭祁陽寧鄉署武岡州知

州陞江西袁州府知府調贛州廣信所至有能聲乾隆
五十九年卒于官年四十六生平好佛著有佛理篇及
鵲印堂詩集二十卷

古意

餞郎無限意別酒百千巡郎去深閨寂愁郎不憶春
餞春無限意暗淚兩三行春去芳年改傷春不待郎

感夢

栩栩成幽夢漫漫感故情不知傷死別猶自說生平燈火窗
前影寒潮枕底鳴覺來悲隔絕清淚正縱橫

小齋舊有碧桃一樹春時綽約可愛今自南歸桃已萎
絕感而賦此

昔年綽約映春陽此日東風枉斷腸崔護重來門寂寂飛瓊
一去路茫茫水晶簾冷山泉咽雲母屏虛夜月荒多少風流

銷歇盡齋頭煙景倍蒼涼